



**Broj: 01-123/17**  
**Vareš, 26.05. 2017. godine**

**Z A P I S N I K**  
**s 6. sjednice Općinskog vijeća Vareš,**  
**održane 27.04. 2017. godine**

Kenan Kamenjaš – predsjedavajući Općinskog vijeća Vareš, otvorio je 6. sjednicu s početkom u 13,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Marošević Mario, Mirčić Mario, Muftić Safeta, Muftić Anel, Mušanović Nedžad, Ridić Kruno, Romić Branko, Rožajac Elvir, Šimić Nikola i Turki Fadila.

**Odsutni:** Kuhar Darija.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, šef kabineta općinskog načelnika – gosp. Ibrahim Spahić, pomoćnici općinskog načelnika – gosp. Ermin Musa, gosp. Čedomir Jelić, ispred općinskih službi gosp. Boro Anđić, gosp. Emina Čizmo i gosp. Stela Andrić, direktor i predsjednik Skupštine JKP d.o.o Vareš gosp. Zafer Kamenjaš i gosp. Grga Vukančić, predsjednici političkih partija i predstavnici medija.

Sekretar OV Leon Pavlović izvijestio je Vijeće o realizaciji Zaključaka i odgovorima na postavljena vijećnička pitanja sa 5. sjednice OV održane 30.03. 2017. godine. Na 5. sjednici OV donesen je pet (5) zaključaka. Dva (2) zaključka su realizovana, tri (3) su u toku realizacije. Postavljeno je šesnaest (16) vijećničkih pitanja. Na jedno (1) pitanje podnosilac je dobio pismeni odgovor i na petnaest (15) pitanja Općinski načelnik je dao usmene odgovore na samoj sjednici.

Općinski načelnik Zdravko Marošević u okviru aktuelne problematike na području općine Vareš za današnju sjednicu u svom obraćanju upoznao je prisutne o redovnim aktivnostima organa uprave (praćenje projekata i natječaja, razgovori sa institucijama i potencijalnim ulagačima, uređenje grada, isplate zaostalih obaveza i sl.). U vezi kreditnog zaduženja Općine Vareš za saniranje duga prema Poreskoj upravi, izjavio je da Općina Vareš ne može ostvariti kredit iz razloga što banka traži garancije da Poreska neće blokirati račun Općine Vareš zbog preostalih kamata, a to nije u nadležnosti Poreske nego u nadležnosti Vlade. O istom je dao pojašnjenje.

## *(Vijećnička pitanja)*

### **Kruno Ridić**

1. Da li postoji mogućnost osposobljavanja rasvjete u MZ Vareš Majdan, tačnije na lokaciji kod „M-4“ objekta koji se nalazi nasuprot željezničkoj stanici? (o postavljenom pitanju dao je dodatno obrazloženje)
2. Da li se slobodni prostor kod zgrade „Slovenka“ u MZ Vareš Majdan može urediti kao dječije igralište? (o postavljenom pitanju dao je dodatno obrazloženje)

### **Safeta Muftić**

3. Pitanje je uputila načelniku: Postoji li mogućnost da se na neki način, barem u ratama koliko Općina može podnijeti, vrata namjenski dodijeljena sredstva za nastradele objekte u poplavama 2014.godine, odnosno da se ista uplate na depozitni račun Općine? (o postavljenom pitanju dala je dodatno obrazloženje)
4. Kada će početi popravka lokalne ceste za naselja Selište i Pruga? (o postavljenom pitanju dala je dodatno obrazloženje)

### **Mirnes Ajanović**

5. Pitanje je uputio načelniku: Da li postoji mogućnost da se rad Službe za boračko – invalidsku zaštitu stavi pod reviziju putem nekog radnog tijela ili komisije, da se taj rad analizira, ispravi sve ono što je propust, neodgovornost, nepotizam, familijarni odnosi, stranački uticaji te se na ovaj način unese više pravičnosti, reda i discipline, pa da u daljem radu ove Službe prilikom podjela i konkursa dođu na red i demobilisani borci, ratni vojni invalidi i branitelji koji su zaobiđeni u ostvarivanju zakonom propisanih prava? (o postavljenom pitanju dao je dodatno obrazloženje)

### **Elvir Rožajac**

6. Kada će se urediti zajednička stepeništa stambenih objekata u Varešu kako bi stanari imali bolji i sigurniji pristup istim? (o postavljenom pitanju dao je dodatno obrazloženje)
7. Da li postoji mogućnost da predstavnici Policijske stanice češće u večernjim satima obilaze MZ-u Ravne i Zubeta kako ne bi došlo do ponovnih krađa, jer je u proteklom periodu primijećen veliki broj sumnjivih vozila?

### **Adis Čizmo**

8. Kada će se izvršiti uklanjanje stabla koje se obrušilo na stambeni objekat „E-4“ i kao takvo predstavlja opasnost za stanare?

## **Demo Kevrić**

9. Pitanje uputio investitoru i izvođaču: Kada će doći do popravke odvodnog kanala izvora pitke vode na lokaciji ispod benzinske pumpe, jer usljed ovog kvara dolazi do uništavanje regionalnog puta kao i nedostatka pitke vode na ovom izvorištu? (o postavljenom pitanju dao je dodatno obrazloženje)
10. Kada će se početi sa kvalitetnijim održavanjem puteva na općini Vareš, konkretno lokalnog puta na relaciji Pajtov Han - Striježevo - Kokošćići? (o postavljenom pitanju dao je dodatno obrazloženje)

## **Branko Romić**

11. Pitanje uputio nadležnoj službi: Da li obavještenja i pozivi koji se odnose na provjeru i upis vlasništva mogu biti javnija, iako se građani po ovom pitanju informisani putem oglasne ploče, radija Bobovac i interneta, ipak ovi načini obavješćavanja nisu dovoljni kada su u pitanju starije osobe koje žele izvršiti provjeru njihovog statusa i reevidenciju upisa ? (o postavljenom pitanju dao je dodatno obrazloženje)

## **Emir Islamović**

12. Pitanje uputio načelniku: Da li postoji mogućnost da ove godine dođe do početka izgradnje stadiona na Budoželju odnosno njegove djelomične izgradnje? (o postavljenom pitanju dao je dodatno obrazloženje)

## **Fadila Turki**

13. Da li postoji mogućnost da se uvedu mjere zabrane koje bi se odnosile na sječu drva u ulici Stojkovići? (o postavljenom pitanju dala je dodatno obrazloženje)
14. Da li postoji mogućnost da se u ulici Stojkovići zabrani prolazak teretnim vozilima težine preko 5 tona jer su prije za ovu ulicu bila određena ograničenja, koja danas niko ne poštuje što građanima donosi velike štete, npr.oštećenja fasada? ( o postavljenom pitanju dala je dodatno obrazloženje)

Općinski načelnik dao je usmene odgovore na većinu postavljenih pitanja vijećnika.

Predsjedavajući OV stavio je na raspravu Zapisnik sa 5. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 5. sjednice OV i nakon izjašnjanja vijećnika konstatuje da je **jednoglasno sa (18 glasova „ZA“) usvojen Zapisnik sa 5. sjednice OV.**

Predsjedavajući OV stavio je na raspravu prijedlog dnevnog reda za 6. sjednicu OV koji je usaglašen na Kolegiju Općinskog vijeća.

Nije bilo rasprave i predsjedavajući OV stavio je na izjašnjanje prijedlog dnevnog reda za 6. sjednicu OV.

Nakon izjašnjanja vijećnika predsjedavajući OV konstatuje da je **jednoglasno sa (18 glasova „ZA“) usvojen sljedeći**

## *Dnevni red:*

1. Prijedlog Odluke o kućnom redu u stambenim i stambeno – poslovnim zgradama na području općine Vareš.
  - Izvjestilac: Ermin Musa
2. Prijedlog Rješenja za utvrđivanje prava vlasništva u korist Čerenić Salema iz Vareša, ulica Nikovac br.48 na građevinskom zemljištu na kojem je izgrađen stambeni objekat.
  - Izvjestilac: Ermin Musa
3. Izvještaj/izvješće o izvršenju budžeta/proračuna Općine Vareš za period januar/siječanj-mart/ožujak 2017.godine
  - Izvjestilac: Općinski načelnik
4. Izvještaj o poslovanju Javnog komunalnog preduzeća d.o.o. Vareš za 2016.godinu.
  - Izvjestilac: predsjednik Skupštine JKP i direktor JKP d.o.o. Vareš
5. Izvještaj o radu Savjeta mjesnih zajednica na području općine Vareš u 2016.godini.
  - Izvjestilac: Čedomir Jelić
6. Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.
  - Izvjestilac: Ermin Musa
7. Informacija o zimskom održavanju lokalnih i regionalnih puteva i gradskih ulica.
  - Izvjestilac: Ermin Musa
8. Tekuća pitanja.

### **Ad. 1.**

*(Prijedlog Odluke o kućnom redu u stambenim i stambeno-poslovnim zgradama na području općine Vareš.)*

Ispred predlagača Ermin Musa pomoćnik načelnika dao je dodatno pojašnjenje za ovu tačku dnevnog reda koju je Vijeće u formi nacрта razmatralo na 5. sjednici OV i upoznao prisutne sa nekoliko prihvaćenih amandmanima dostavljenih od vijećnice Safete Muftić, koji su i uvršteni u Prijedlog Odluke.

Otvorena je rasprava u kojoj su svoje prijedloge i mišljenja iznijeli vijećnici: Adis Čizmo (*predložio je da se u članu 8. navede da se zabranjuje sapiranje balkona vodom i okapavanje predmeta preko ograde*) i Krno Riđić.

Ispred predlagača Ermin Musa izjavio je da prihvata izneseni prijedlog vijećnika Adisa Čizme koji se odnosi na dopunu člana 8. u Prijedlogu Odluke.

Zaključena je rasprava i predsjedavajući stavio je na izjašnjavanje Prijedlog Odluke o kućnom redu u stambenim i stambeno-poslovnim zgrada na području općine Vareš sa prihvaćenom dopunom člana 8. Prijedloga Odluke.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojena**

*Odluka o kućnom redu u stambenim i stambeno-poslovnim zgradama na području općine Vareš*

## **Ad. 2.**

*(Prijedlog Rješenja za utvrđivanje prava vlasništva u korist Čerenić Salema iz Vareša ulica Nikovac broj 48 na građevinskom zemljištu na kojem je izgrađen stambeni objekat.)*

Otvorena je rasprava u kojoj su svoje stavove, primjedbe i mišljenja iznijeli: vijećnica Fadila Turki, predsjedavajući OV Kenan Kamenjaš i općinski načelnik Zdravko Marošević.

Zatvorena je rasprava i predsjedavajući OV stavio je na izjašnjavanje Prijedlog Rješenja za utvrđivanje prava vlasništva u korist Čerenić Salema iz Vareša ulica Nikovac broj 48 na građevinskom zemljištu na kojem je izgrađen stambeni objekat.

Nakon izjašnjavanja vijećnika predsjedavajući OV konstatuje **da sa 12 glasova „ZA“, 1 glasom „PROTIV“ i 5 „SUZDRŽANIH“ glasova usvojeno**

***Rješenje za utvrđivanje prava vlasništva u korist Čerenić Salema iz Vareša ulica Nikovac broj 48 na građevinskom zemljištu na kojem je izgrađen stambeni objekat.***

## **Ad.3.**

*(Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2017. godine.)*

Komisija za privredu, finansije i budžet na 3. sjednici održanoj 24.04.2017. godine jednoglasno je donijela sljedeći Zaključak:

- Komisija nema primjedbi na Izveštaj/Izvešće o izvršenju budžeta/proračuna Općine Vareš za period januar/siječanj – mart/ožujak 2017.godine, i isti upućuje Vijeću na razmatranje.
- Komisija sugeriše predlagачu da ubuduće prilikom izrade Izveštaja/Izvešća preciznije obrazloži stavke prihoda i rashoda kod kojih postoje veća odstupanja od planiranih, te je obavezala predlagачa da izvrši ispravke tehničkih grešaka u Izveštaju i o tome upozna OV.

Ispred predlagачa, Ermin Musa pomoćnik načelnika dao je dodatno pojašnjenje za ovu tačku dnevnog reda i upoznao prisutne sa tehničkim greškama u Izveštaju.

Otvorena je rasprava u kojoj su svoje stavove, sugestije, mišljenja i pitanja iznijeli vijećnici: Kruno Riđić, Safeta Muftić, Emir Islamović, Đemo Kevrić, Elvir Rožajac, Mirnes Ajanović i općinski načelnik Zdravko Marošević koji je dao dodatna pojašnjenja i odgovorio na pitanja postavljena u raspravi.

Zaključena je rasprava i predsjedavajući OV stavio je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2017. godine.

Nakon izjašnjavanja vijećnika predsjedavajući OV konstatuje da je **jednoglasno sa (18 glasova „ZA“) usvojen**

***Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2017. godine***

#### **Ad.4.**

*(Izveštaj o poslovanju Javnog komunalnog preduzeća d.o.o. Vareš za 2016. godinu).*

Otvorena je rasprava u kojoj su svoje stavove, sugestije, mišljenja i pitanja iznijeli vijećnici: Safeta Muftić, Kruno Ridić, Mirnes Ajanović, Ilhana Fatić, Elvir Rožajac, Mario Marošević i Đemo Kevrić.

Predsjednik Skupštine JKP d.o.o. Vareš Grga Vukančić obratio se prisutnima i iznio stav i pozitivno mišljenje za rad i poslovanje ovog preduzeća.

Direktor JKP d.o.o. Vareš Zafer Kamenjaš obratio se Vijeću i u svom izlaganju upoznao prisutne sa radom i određenim problemima sa kojima se preduzeće susreće u svom poslovanju i odgovorio na neka pitanja vijećnika postavljena u raspravi. Zamolio je Vijeće da zaduži Općinskog načelnika, Skupštinu, Nadzorni odbor i Upravu JKP d.o.o. Vareš, da se u narednom periodu pokuša iznaći rješenje za nabavku mehanizacije (1-2 stroja) kako bi JKP d.o.o. moglo pružati kvalitetnije usluge na području općine Vareš.

U daljnjoj diskusiji su učestvovali vijećnik Mirnes Ajanović i Općinski načelnik koji je u svom obraćanju iznio mišljenje u vezi vodovoda na području općine Vareš i analize vode kao i o pozitivnoj saradnji Općine Vareš sa javnim preduzećima i javnim ustanovama i rezultatima koji se ostvaruju zbog dobre saradnje.

Zaključena je rasprava i predsjedavajući OV stavio je na izjašnjavanje Izveštaj o poslovanju Javnog komunalnog preduzeća d.o.o. Vareš za 2016. godinu.

Nakon izjašnjavanja vijećnika predsjedavajući OV konstatuje **da je sa 16 glasova „ZA“** (odsutni vijećnici Safeta Muftić i Đemo Kevrić) **usvojen**

***Izveštaj o poslovanju Javnog komunalnog preduzeća d.o.o. Vareš za 2016. godinu.***

#### **Ad.5.**

*(Izveštaj o radu Savjeta mjesnih zajednica na području općine Vareš u 2016. godinu.)*

Otvorena je rasprava u kojoj su svoje stavove, primjedbe, sugestije, mišljenja i pitanja iznijeli vijećnici: Kruno Ridić, Adis Čizmo, Elvir Rožajac, Mario Mirčić, Đemo Kevrić, Mirnes Ajanović, Branko Romić i Općinski načelnik Zdravko Marošević koji je dao pojašnjenje za ovu tačku dnevnog reda i izvijestio prisutne o potrebnim aktivnostima koje treba sprovesti a sve u cilju poboljšanja rada mjesnih zajednica i rješavanja problema sa kojima se susreću u svom radu.

Zaključena je rasprava i predsjedavajući OV stavio je na izjašnjavanje Izveštaj o radu Savjeta mjesnih zajednica na području općine Vareš u 2016. godini.

Nakon izjašnjavanja vijećnika predsjedavajući OV konstatuje da je **sa 17 glasova „ZA“ i 1 „SUZDRŽANIM“ glasom usvojen**

***Izveštaj o radu Savjeta mjesnih zajednica na području općine Vareš u 2016. godini.***

## **Ad.6.**

*(Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.)*

Otvorena je rasprava u kojoj su svoje primjedbe, prijedloge i mišljenja iznijeli vijećnici: Kruno Riđić, Elvir Rožajac, Đemo Kevrić ( *predložio je da se donese zaključak kojim bi se pristupilo izradi strategije zapošljavanja za naredni period sa kvalifikacionom strukturom koja se trenutno nalazi na evidenciji za zapošljavanje*), predsjedavajući OV Kenan Kamenjaš i Općinski načelnik koji je u svom obraćanju iznio svoje mišljenje u vezi nezaposlenosti i eventualnog smanjenja broja nezaposlenosti.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

*Informaciju o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.*

## **Ad.7.**

*(Informacija o zimskom održavanju lokalnih i regionalnih puteva i gradskih ulica.)*

Otvorena je rasprava u kojoj su svoje stavove, sugestije, primjedbe i mišljenja iznijeli vijećnici: Alma Kamenjaš, Elvir Rožajac, Branko Romić, Kruno Riđić, Đemo Kevrić, Čizmo Adis, općinski načelnik Zdravko Marošević, predsjednik Skupštine JKP d.o.o. Vareš Grga Vukančić i pomoćnik načelnika Ermin Musa koji je na osnovu diskusija vijećnika u raspravi potvrdio da postoji problem održavanja regionalnih puteva kroz gradsko područje i da Općina Vareš pokušava već duži vremenski period da taj problem riješi, jer u Zakonu o cestama postoji mogućnost da se kroz gradsko područje, održavanje puteva dodijeli firmi koju angažuje Općina (općinskom komunalnom preduzeću). U vezi s tim predložio je da ispred Općinskog vijeća i općinskog načelnika, uputi se dopis nadležnom ministarstvu u vezi rješavanja ovog problema.

Za riječ se javio direktor JKP d.o.o. Vareš Zafer Kamenjaš koji je u svom obraćanju skrenuo pažnju na otežano zimsko održavanje na pojedinim lokalnim putevima i u ulici Put mira zbog velikog broja parkiranih auta na cesti. O istom je dao pojašnjenje i moguće rješenje istog. Zahvalio se Vijeću na pozitivnim komentarima i još jednom zamolio da OV donese zaključak da se krene u proceduru nabavke mehanizacije u cilju boljeg održavanja puteva na području općine Vareš.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

*Informaciju o zimskom održavanju lokalnih puteva i gradskih ulica.*

## **Ad. 8.**

*(Tekuća pitanja)*

Predsjedavajući OV izvijestio je Vijeće da za današnju sjednicu, Vijeću su upućena tri dopisa i to:

1. Zahtjev BBM-VAREŠ d.o.o. Vareš broj 1005/KF/17 od 06.04.2017. godine za hitno poduzimanje mjera u vezi požara na deponiji komunalnog otpada „Kota“ (to pitanje je po informaciji nadležnih je riješeno),
2. Zahtjev gosp. Kokorović Dragice iz Vareš Majdana od 11.04.2017. godine, za otkup stana (zahtjev je po prijemu proslijeđen nadležnoj Službi za rješavanje),
3. Dopis Ministarstva za poljoprivredu, šumarstvo i vodoprivredu Ze-do kantona broj: 05-25-6058-5/17 od 17.04.2017. godine u kome traže informaciju o korištenju finansijskih sredstava po osnovu kontinuirane jednokratne naknade o koncesiji EKO-ENERGY d.o.o. Tešanj u iznosu od 923,14 KM (dopis je proslijeđen Službi za finansije da uradi i dostavi traženu informaciju Ministarstvu Ze-do kantona),
4. Inicijativa Udruženja pčelara „POLEN“ Vareš od 19.04.2017. godine u kojoj predlažu Općinskom vijeću i Općinskom načelniku da donesu Odluku u kojoj bi se regulisala ispaša pčela, odnosno dolazak pčelara sa drugih općina na područje općine Vareš. Kolegij OV razmatrao je Inicijativu, Općinski načelnik podržao je Inicijativu.

Na osnovu podnesene Inicijative i pozitivnog očitovanja Općinskog načelnika o istoj, predsjedavajući OV predložio je prijedlog

### **Zaključka:**

- **Zadužuje se Općinski načelnik i općinske Službe da na osnovu podnesene Inicijative Udruženja pčelara „POLEN“ Vareš, za narednu sjednicu OV pripreme i Vijeću dostave na razmatranje prijedlog Odluke.**

Nakon izjašnjavanja vijećnika predsjedavajući OV konstatuje da **je jednoglasno sa ( 17 glasova „ZA“ ) ( odsutan vijećnik Mario Mirčić ) usvojen predloženi Zaključak.**

Predsjedavajući OV u ime Općinskog vijeća i Općinskog načelnika uputio je čestitke građanima općine Vareš povodom 1. Maja – Međunarodnog praznika rada.

Sastavni dio ovog Zapisnika je audio zapis sjednice.

Sjednica je završena u 18,15 sati.

***SEKRETAR***

**Leon Pavlović**

***PREDSJEDAVAJUĆI  
OPĆINSKOG VIJEĆA***

***ZAPISNIČAR***

**Azra Ibrahimović**

**Kenan Kamenjaš**